



SOGFBiH

SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XIII

TEMATSKI BILTEN

DATUM: 17.06.2016.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Planiranje lokalnog razvoja

INTERVJU: Armin Halitović, načelnik Općine Bosanska Krupa

Razvojem poduzetničkih zona do novih radnih mjesta

Mostar dobija integriranu strategiju razvoja

Usklađene strategije, bolje razvojne perspektive

Nacrt zakona o razvojnom planiranju i upravljanju razvojem FBiH

Usluge Saveza općina i gradova FBiH u oblastima planiranja i upravljanja

Planiranje i upravljanje lokalnim razvojem

PLANIRANJE LOKALNOG RAZVOJA

Kao nivo vlasti najbliži građanima, općine i gradovi su u dobroj poziciji da kontinuirano rade na unaprjeđenju kvalitete života na lokalnom nivou. Međutim, općine i gradovi u Bosni i Hercegovini (BiH) suočavaju se sa nizom izazova koji ih često onemogućavaju da budu stvarni pokretači svog razvoja. Ovi izazovi se odnose na nedostatak jasnih politika na višim nivoima vlasti, ograničene finansijske resurse, nedostatak kapaciteta općina i gradova da svoje strateške prioritete transforimiraju u provodive aktivnosti, da kreiraju projekte spremne za finansiranje i na taj način privuku resurse iz drugih izvora kao i da suštinski uključe privatni sektor i širu zajednicu u razvojne aktivnosti.

Kako bi se harmonizirao pristup strateškom planiranju na lokalnom nivou te pomoglo jedinicama lokalne samouprave da kreiraju provodive strategije razvoja, uz podršku Projekta integriranog lokalnog razvoja (ILDP) pokrenut je proces usaglašavanja jedinstvenog pristupa u procesu strateškog planiranja, i to kroz izradu Metodologije za integrirano planiranje lokalnog razvoja u BiH (MiPRO). MiPRO predstavlja instrument za proaktivno i odgovorno planiranje i upravljanje lokalnim razvojem u BiH, zasnovano na principima održivog razvoja i socijalne uključenosti, kao i ravnopravnosti spolova. Proces izrade MiPRO vodila je Radna grupa za izradu metodologije, uspostavljena u okviru ILDP-a, koja je okupila oko 30 predstavnika relevantnih institucija i organizacija sa svih nivoa, dok je u procesu konsultacija o nacrtu MiPRO učestvovalo skoro 200 predstavnika nadležnih državnih i entitetskih institucija, kantona u FBiH, jedinica lokalne samouprave širom BiH, te predstavnika nevladinih i međunarodnih organizacija aktivnih u oblasti lokalnog razvoja. Nakon što je Radna grupa finalizirala i usvojila MiPRO, usvojili su je i savezi općina i gradova u oba entiteta, te preporučili njenu primjenu svim svojim članicama. Po prijedlogu Federalnog ministarstva pravde i Federalnog zavoda za programiranje razvoja, Vlada FBiH je prihvatila i preporučila primjenu MiPRO. Iste preporuke je izdala i Vlada RS po prijedlogu Ministarstva uprave i lokalne samouprave RS. Krajem 2009. godine započela je praktična primjena MiPRO u 23 partnerske općine ILDP-a, a 2013. u dodatnih 19 općina u BiH, što je rezultiralo integriranim strategijama razvoja u 42 projektne općine. Na osnovu rezultata istraživanja koje su provela oba saveza općina i gradova, do sada je 45% jedinica lokalne samouprave u BiH izradilo svoje strategije razvoja primjenom jedinstvene metodologije, integrirajući prioritete u svim razvojnim sektorima (ekonomski razvoj, društveni razvoj i okoliš). Pored toga, 28% jedinica lokalne samouprave je uz podršku ILDP-a uvelo sistemski pristup upravljanju razvojnim procesima. Projekat integriranog lokalnog razvoja, između ostalog, sarađuje sa 40 općina i gradova u čitavoj BiH, te svim kantonima u FBiH, pružajući im podršku u ne samo u izradi već i u uspostavi mehanizama za buduću realizaciju strategija razvoja. Strategije razvoja izrađuju se prema navedenom jedinstvenom pristupu, koji u istu ravan stavlja sve dimenzije lokalnog razvoja, od ekonomskog, preko društvenog i okolišnog, te se zasniva na partnerstvu javnog, privatnog i nevladinog sektora. Od ključnog je značaja da su stragije realne i provodive, te da se na njima zasnivaju sva ulaganja u razvoja, uključujući i više nivoe vlasti.



Izrada tematskog biltena podržana je kroz Projekat integriranog lokalnog razvoja, koji predstavlja zajedničku inicijativu Vlade Švicarske i Razvojnog programa Ujedinjenih nacija u BiH (UNDP). Stavovi izneseni u ovom biltenu ne odražavaju i zvaničan stav Švicarske vlade i UNDP-a.



50 YEARS

Empowered lives. Resilient nations.

20 GODINA SARADNJE
ŠVICARSKA I BOSNE I HERCEGOVINE
YEARS OF COOPERATION
SWITZERLAND AND BOSNIA AND HERZEGOVINA



Grb Općine Bosanska Krupa

**KORISNI LINKOVI ZA
PREDPRISTUPNE FONDVE EU:**

www.southeast-europe.net
www.adriaticipacbc.org
www.europa.ba
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.balkanfund.org

“Primjenom MiPRO metodologije omogućen je sistemski pristup dugoročnom, te planiranju razvoja na trogodišnjem i jednogodišnjem nivou, kao i planiranju budžeta. Ova metodologija je omogućila i sistemsko praćenje implementacije Strategije, a analizom postignutih rezultata u periodu 2011-2016 evidentiran je napredak u razvoju općine u mnogim segmentima.”

INTERVJU: ARMIN HALITVIĆ, NAČELNIK OPĆINE BOSANSKA KRUPA

Sa Arminom Halitovićem, načelnikom Općine Bosanska Krupa, razgovarali smo o procesu strateškog planiranja, izazovima na koje općina nailazi u realizaciji strategije razvoja i ostvarenim uspjesima.

Možete li nam opisati vaša iskustva iz procesa strateškog planiranja u Općini Bosanska Krupa?

Sredinom 2009. godine počeli smo prikupljati socioekonomske pokazatelje za općinu Bosanska Krupa. Paralelno se provodila edukacija o MiPRO metodologiji, koja je poslije i primijenjena u izradi Strategije razvoja općine, a kojom su obuhvaćeni uposlenici lokalne uprave i predstavnici svih aktera procesa planiranja na lokalnom nivou. Primjenom MiPRO metodologije omogućen je sistemski pristup dugoročnom, te planiranju razvoja na trogodišnjem i jednogodišnjem nivou, kao i planiranju budžeta. Ova metodologija je omogućila i sistemsko praćenje implementacije Strategije, a analizom postignutih rezultata u periodu 2011-2016 evidentiran je napredak u razvoju općine u mnogim segmentima.



Armin Halitović, načelnik Općine
Bosanska Krupa

Da li ste u toku planiranja i upravljanja procesima razvoja uspjeli osigurati učešće predstavnika javnog, privatnog i nevladinog sektora?

U planiranju, kao i u implementaciji, učestvovali su predstavnici svih subjekata sa lokalnog nivoa, koji su zastupljeni u Općinskom razvojnom timu (ORT), Partnerskoj grupi i Privrednom vijeću općine. Sve aktivnosti koordinira ORT, a Partnerska grupa i Privredno vijeće učestvuju u pripremi planova na jednogodišnjem nivou kao i realizaciji planiranih aktivnosti iz pojedinih sektora.

U kojoj mjeri je važna finansijska realnost strategija razvoja i koji su izazovi u postizanju iste?

Veoma je važna, iz razloga što se uz realno planirano finansiranje jednostavnije i brže mogu osigurati sredstva za implementaciju pojedinih projekata, a aplikacije upućene na javne pozive su u smislu budžeta realnije i prihvatljivije za finansiranje. Sve to u konačnici osigurava brže postizanje operativnih ciljeva. Izazov predstavljaju kapitalni projekti velike finansijske vrijednosti, za koje Općina najčešće iz budžeta može obezbijediti tek pripremu tehničke dokumentacije, dok realizaciju mora osigurati kroz različite eksterne izvore finansiranja.

Možete li nam ukratko opisati izazove i uspjehe u implementaciji razvojne strategije vaše općine?

Izazovi su bili - i još uvijek jesu - u implementaciji kapitalnih projekata iz oblasti razvoja infrastrukture, kako za poslovne zone tako i za razvoj poljoprivredne proizvodnje u ruralnim područjima. Izgrađeno je 49 km primarne vodovodne mreže u ruralnim područjima, započeta je i do sada izgrađena kanalizacijska mreža u rubnim naseljima Bosanske Krupe i Otoke u dužini 8,6 km, što je početak projekta izgradnje kanalizacionog sistema sa prečištačima za Bosansku Krupu i Bosansku Otoku. Uspostavljena je Poslovna zona Pilana sa 14 poslovnih subjekata i uz upošljavanje oko 300 radnika, a u pripremi je nova PZ Vatretni mlin. Izgradnja infrastrukture u ruralnim područjima je omogućila razvoj poljoprivredne proizvodnje, kako biljne tako i animalne, te je znatno povećan broj registriranih poljoprivrednih proizvođača - za 381 u periodu 2013-2015. To znači nova radna mjesta za veći broj ljudi koji su kroz ovaj vid zapošljavanja osigurali egzistenciju za sebe i svoje porodice.

Kakva su iskustva općine u namicanju sredstava za strateške prioritete iz eksternih izvora finansiranja?

Općinska uprava aktivno aplicira za projekte, pa je u tom smislu prepoznata kao zainteresirana i do sada je postignut relativno značajan uspjeh u osiguranju finansiranja kapitalnih projekata. Finansijska vrijednost ovih projekata uveliko prevazilazi sredstva koja bi se mogla osigurati kroz općinski budžet. Uspostavljena je Služba za upravljanje razvojem koja koordinira izradu projekata za koje je nadležna općinska uprava, a u ostalim službama najmanje dva izvršioca rade na projektima Strategije razvoja u svim fazama planiranja i implementacije. Ovaj sistem se i dalje unapređuje i u toku je izrada intramreže za monitoring implementacije Strategije, čime će

Gledajte Savez općina i gradova
Federacije Bosne i Hercegovine na



biti stvoren jedinstven sistem komunikacije i razmjene informacija i podataka unutar organa uprave kao i između uprave i aktera procesa na lokalnom nivou. Veći broj uposlenika je prošao potrebne edukacije za pripremu i izradu projektnih prijedloga i aplikacija na javne pozive, te se radi na postizanju jednakomjernog nivoa znanja i vještina kod nosilaca aktivnosti provedbe Strategije razvoja.



Bosanska Krupa

Koliko posebno uspostavljena služba doprinosi sistemskom upravljanju strategijom i razvojem?

Treba naglasiti da formiranje službe predstavlja unapređenje po pitanju koordiniranja realizacije cjelokupne Strategije razvoja i razvojnih projekata unutar lokalne uprave, praćenja implementacije i servisiranja svih informacija na jednom mjestu, jednostavnije pripreme izvještaja o napretku itd.

Jeste li učestvovali u programima i projektima međuopćinske saradnje i koje su koristi tog vida saradnje?

Trenutno smo dio projekta međuopćinske saradnje „Održivo upravljanje otpadom“ u kojem učestvuju općine Bosanska Krupa, Cazin i Bužim. Ovim projektom se važan problem zbrinjavanja otpada rješava na kvalitetniji i ekonomičniji način nego da to svaka općina čini pojedinačno. S obzirom da je riječ o okolišno osjetljivim aktivnostima, zasigurno će doprinijeti zaštiti okoliša u smislu smanjenja površina kontaminiranih nekontrolisanim odlaganjem otpada.

“... u toku je izrada intramreže za monitoring implementacije Strategije, čime će biti stvoren jedinstven sistem komunikacije i razmjene informacija i podataka unutar organa uprave kao i između uprave i aktera procesa na lokalnom nivou.”

RAZVOJEM PODUZETNIČKIH ZONA DO NOVIH RADNIH MJESTA

Mala i srednja poduzeća su motor razvoja ekonomije zajednice. S druge strane, upravo zajednica treba da osigura pretpostavke za uspostavu i funkcioniranje ovih poduzeća. Ovo se, prije svega, postiže kreiranjem poticajnog poslovnog okruženja, a uspostavljanje poduzetničkih zona je ključni korak na tom putu.

Upravo s ciljem pružanja podrške razvoju poduzetničkih zona pokrenuta je grant shema „Unapređenje poduzetničkih zona u Federaciji BiH“ u suradnji Federalnog ministarstva razvoja, poduzetništva i obrta (FMRPO) i Projekta integriranog lokalnog razvoja.

Ova grant shema, koja - kako joj i ime govori - za cilj ima dati poticaj unapređenju usluga, kapaciteta i atraktivnosti poduzetničkih zona u FBiH, pokrenuta je 2014. godine, a zahvaljujući dobrim rezultatima prve faze, naredne je godine dobila svoj nastavak. Ukupna vrijednost oba ciklusa je 3.050.000 KM, od čega je Vlada FBiH osigurala 2.000.000 KM, a Vlada Švicarske – kroz ILDP projekat – 1.050.000 KM.

Kako ističe Zdravko Čerović, pomoćnik ministra za razvoj u FMRPO, naročito važan kriterij pri odabiru projekata bio je da proizilaze iz lokalnih razvojnih strategija i pomažu realizaciju stvarnih razvojnih prioriteta jedinica lokalne samouprave. Kroz dva ciklusa grant sheme u 23 općine i grada podržana su ukupno 24 projekta usmjerena na unapređenje infrastrukture u poduzetničkim zonama i poboljšanje usluga poduzetnicima, a sve u cilju kreiranja povoljnijeg okruženja za ekonomski razvoj i otvaranje novih radnih mjesta.

Ministarstvo je i prethodnih godina finansijski podržavalo razvoj poduzetničkih zona. No, treba napomenuti da, pored toga što je udruživanjem fondova omogućena snažnija podrška većem broju projekata, ova grant shema je donijela i nekoliko vrlo korisnih specifičnih novina.



Kroz dva ciklusa grant sheme u 23 općine i grada podržana su ukupno 24 projekta usmjerena na unapređenje infrastrukture u poduzetničkim zonama i poboljšanje usluga poduzetnicima, a sve u cilju kreiranja povoljnijeg okruženja za ekonomski razvoj i otvaranje novih radnih mjesta.

...javni natječaj za dodjelu sredstava proveden je potpuno u skladu sa pristupom kakav primjenjuje Evropska unija (EU), što - pored transparentnosti - doprinosi upoznavanju službenika lokalnih vlasti sa procedurama apliciranja za EU fondove.

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpacbc.org
www.europa.ba
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.balkanfund.org

Gradska uprava Mostara, uz podršku ILDP-a, pokrenula je izradu Strategije razvoja Mostara za period 2016-2020.

Naime, javni natječaj za dodjelu sredstava proveden je potpuno u skladu sa pristupom kakav primjenjuje Evropska unija (EU), što - pored transparentnosti - doprinosi upoznavanju službenika lokalnih vlasti sa procedurama apliciranja za EU fondove. Ovo je posebno važno u smislu spremnosti za što efikasnije iskorištavanje sredstava koja će Bosni i Hercegovini biti dostupna na njenom putu ka članstvu u EU.

Također, uvedene su procedure procjene, vrednovanja i izvještavanja, čime je omogućena konkretna provjera rezultata projektnih aktivnosti i njihovog stvarnog utjecaja na terenu. A neki od rezultata su sljedeći: projekti iz prvog ciklusa rezultirali su otvaranjem novih 36 malih i srednjih poduzeća i 355 radnih mjesta, te unapređenim uslugama za 194 poduzeća. U drugom ciklusu se očekuje otvaranje najmanje 10 novih poduzeća i 150 radnih mjesta. Sufinansiranje projekata od strane općina i gradova u prvoj fazi je iznosilo 700.000 KM, što znatno premašuje obaveznih 20% i predstavlja dobar pokazatelj da su i lokalne zajednice prepoznale značaj grant sheme. I, na kraju, ali ne i najmanje bitno, 52 učesnika, predstavnici općina koje su kandidovale projekte, su prošla obuke za pisanje i provedbu projekata, koja će im pomoći da uspješnije apliciraju ne samo za sredstva narednih ciklusa grant sheme, već i za sredstva koja im već jesu - ili će u budućnosti biti - na raspolaganju kroz EU fondove.



Izgradnja primarne saobraćajnice u Poslovnoj zoni "Misurići" Maglaj

MOSTAR DOBIJA INTEGRIRANU STRATEGIJU RAZVOJA

Mostar se praktično već godinama nalazi u stanju političke blokade koja ujedno blokira i normalno odvijanje razvojnih procesa. To se očituje u nedostatku investicija i konstantnom porastu nezaposlenosti, kao i u nemogućnosti Gradske uprave da građanima osigura normalne usluge. Također, ovo je rezultiralo i nedostatkom razvojne vizije Mostara kao i platforme kojom bi se definirali razvojni prioriteti i postavile osnove planskog razvoja grada.

U cilju rješavanja ovog problema Gradska uprava Mostara, uz podršku ILDP-a, pokrenula je izradu Strategije razvoja Mostara za period 2016-2020., koja će obuhvatiti socijalne, ekonomske i okolišne aspekte razvoja.

Formiran je Tim za planiranje razvoja, odgovoran za upravljanje i operacionalizaciju procesa planiranja, a koji okuplja predstavnike svih sektora – javnog, privatnog i civilnog, čime se osigurava učešće svih aktera.

Proces je rezultirao Nacrtom strategije razvoja Grada Mostara, koja se sastoji od socio-ekonomske analize, strateških fokusa, vizije razvoja i strateških ciljeva, te prioriteta programa i projekata u svim sferama razvoja.

U izradi Strategije razvoja primjenjuje se standardizirana Metodologija za integrirano planiranje lokalnog razvoja u BiH (MiPRO).

„Strategija razvoja Grada Mostara je ključni strateški dokument koji daje osnovne smjernice razvoja Grada Mostara u svim segmentima kao što je prvenstveno, ekonomski, društveni i okolišni sektor. Strategija kao takva sadrži listu definisanih prioriteta programa, projekata i mjera u svakom od navedenih sektora čijom implementacijom će se postići postavljeni ciljevi. Ovakav pristup otvara put i mogućnosti da se koriste ne samo proračunska sredstva za realizaciju istih, već mogućnost pristupa i korištenja predpristupnim programima Evropske unije i drugih izvora financiranja.



Mostar



Radmila Komadina, savjetnica Gradonačelnika Mostara

strategije razvoja Grada Mostara iznosi okvirno 50.000 KM, a sredstva je osigurala Vlada Švicarske putem UNDP.

financiranja. Grad Mostar je po svemu sudeći na pravom putu da zajedno sa ekspertima koje je angažirao ILDP, kreira jedan dokument kojim će aktivno i odgovorno upravljati razvojem Grada Mostara, što je i preduvjet apliciranja na programe EU, a pogotovo što bi dosljednim usvajanjem, implementacijom i praćenjem realizacije iste, uspio stepen zadovoljenja potreba građana Grada Mostara podići na nivo zadovoljstva građana odgovornim osobama i samim gradom u kojem žive. Sukladno navedenom, značaj ovog dokumenta je od vitalnog značaja za razvoj Grada Mostara i regije Hercegovine u cijelosti", naglasila je Radmila Komadina, savjetnica gradonačelnika Mostara.

Ukupna vrijednost projekta izrade integrirane

USKLAĐENE STRATEGIJE, BOLJE RAZVOJNE PERSPEKTIVE

Razvojne strategije različitih nivoa vlasti u Bosni i Hercegovini još uvijek su odvojene u pogledu prioriteta, predviđenih aktivnosti i budžeta, što je dobrim dijelom uzrokovano nedostatkom komunikacije i nedovoljnom uključenošću svih relevantnih aktera u izradu strateških planova. Tako, primjerice, kantonalne razvojne strategije često nisu usklađene sa lokalnim, zanemarujući s jedne strane prioritete lokalnih zajednica, a s druge strane njihove razvojne kapacitete i mogućnosti.

Stoga je prilikom revizije Strategije razvoja Zeničko-dobojskog kantona (ZDK) za period 2010-2020, koja je provedena 2014. godine, formiran Kantonalni odbor za razvoj (KOR) koji je uključio 37 članova iz Vlade kantona, regulirajućih tijela kantona, općina i organizacija civilnog društva.

Između ostalih, u procesu revizije je djelovala i Podgrupa za lokalne samouprave, na čijem se čelu nalazio Ismar Alagić, direktor Agencije za razvoj općine Tešanj (TRA). Kroz rad ove podgrupe, predstavnici 12 općina i gradova ZDK dobili su priliku uključiti se u planiranje i osigurati da lokalni prioriteti budu uzeti u obzir pri izradi revidirane kantonalne strategije.

„Prethodna kantonalna strategija nije bila dovoljno povezana sa lokalnim strategijama. Osim toga, budžet i planovi rada nisu pratili tu strategiju. U kojoj će mjeri ciljevi zacrtani u jednoj strategiji zaista biti ostvareni ovisi, između ostalog, o tome koliko su iskorištene stvarne kompetitivne prednosti datog područja te, naravno, da li je realizacija podržana adekvatnim budžetskim sredstvima,” istakao je Alagić.

Reviziju strategije podržao je Projekt integriranog lokalnog razvoja (ILDP). Jedan od osnovnih ciljeva ovog projekta upravo jeste vertikalno usklađivanje i povezivanje razvojnog planiranja na različitim nivoima.

Pri izradi revidirane strategije korišteni su rezultati dva bitna procesa pokrenuta u okviru ILDP-a. Naime, primijenjena je Metodologija za planiranje kantonalnog razvoja, nastala kao rezultat rada Radne grupe sačinjene od predstavnika svih 10 kantona, Saveza općina i gradova FBiH i federalnih ministarstava, a pod vodstvom Federalnog zavoda za programiranje razvoja i Federalnog ministarstva pravde. Također, korištene su dobre prakse i iskustva iz procesa izrade integriranih strategija razvoja Unsko-sanskog i Zapadnohercegovačkog kantona za period 2014-2020.

Zahvaljujući svemu pomenutom, u konačnici je postignuta veća vertikalna usklađenost kantonalne i lokalnih strategija, što je jedan od preduvjeta za njihovu uspješnu realizaciju i ostvarivanje razvojnih ciljeva na svim nivoima.



Sa sastanka Kantonalnog odbora za razvoj - Zenica, 28.10.2015.

"Grad Mostar je po svemu sudeći na pravom putu da zajedno sa ekspertima koje je angažirao ILDP, kreira jedan dokument kojim će aktivno i odgovorno upravljati razvojem Grada Mostara, što je i preduvjet apliciranja na programe EU."

...veća vertikalna usklađenost kantonalne i lokalnih strategija, jedan od preduvjeta za njihovu uspješnu realizaciju.

NACRT ZAKONA O RAZVOJNOM PLANIRANJU I UPRAVLJANJU RAZVOJEM FEDERACIJE BOSNE I HERCEGOVINE

Inicijativa za unapređenje sistema planiranja i upravljanja razvojem u FBiH potekla je 2012. godine od Federalnog zavoda za programiranje razvoja i Federalnog ministarstva pravde, a na osnovu preporuka nekih od kantona i općina i gradova u Federaciji Bosne i Hercegovine (FBiH).

Sa namjerom participativnog definiranja modaliteta za poboljšanje sistema razvojnog planiranja u FBiH, krajem 2012. godine uspostavljena je Radna grupa koja je za cilj imala usaglašavanje šire vizije za



Sa javne rasprave o Zakonu o razvojnog planiranju i upravljanju razvojem u FBiH

uspostavljanje sistema strateškog planiranja i upravljanja razvojem. Radna grupa okupila je predstavnike jednog broja institucija na nivou FBiH, predstavnike kantona i jedinica lokalne samouprave, kao i predstavnike Direkcije za ekonomsko planiranje BiH i Direkcije za evropske integracije BiH. Podrška cjelokupnom procesu osigurana je kroz Projekat integriranog lokalnog razvoja. Savez općina i gradova Federacije Bosne i Hercegovine (SOGFBiH) sa svojim je predstavnikom bio aktivan član Radne grupe.

Radna grupa se vodila zahtjevima koji proizilaze iz procesa evropskih integracija te iz preduslova za korištenje sredstava predpristupne pomoći Evropske unije u okviru IPA II, a koji se odnose na postojanje koherentnog institucionalnog okvira za razvojno planiranje i realizaciju razvojnih politika u Bosni i Hercegovini (integrirani i sektorski pristup).

Nakon usaglašavanja teza, Radna grupa je dogovorila da Federalni zavod za programiranje razvoja i Federalno ministarstvo pravde daju prijedlog optimalnog rješenja za izgradnju takvog sistema. Tokom 2013. godine obavljene su dodatne konsultacije sa kantonima te sa općinama i gradovima (putem stručnih komisija i Predsjedništva SOGFBiH), da bi se potom pristupilo izradi Nacrta zakona o razvojnog planiranju i upravljanju razvojem u FBiH kao najoptimalnijeg rješenja, te regulatornoj procjeni utjecaja pojedinačnih rješenja koja ovaj Zakon uvodi. Procjena je provedena uz podršku USAID-ovog Projekta jačanja institucija vlasti i procesa u BiH.

Navedeni Zakon za cilj ima uspostavljanje sistema razvojnog planiranja i upravljanja razvojem u FBiH, koji:

1. vertikalno i horizontalno uvezuje sve administrativne nivoe razvojnog planiranja i upravljanja;
2. definira institucionalni okvir za strateško planiranje i upravljanje razvojem na svim nivoima vlasti, te mehanizme koordinacije;
3. usklađuje vrstu strateških i implementacijskih dokumenata;
4. usklađuje vremenski okvir strateških dokumenata prema ciklusu planiranja Evropske unije;
5. usklađuje strateško planiranje sa procesima izrade budžeta i programa javnih investicija;
6. definira proces programiranja, monitoringa, izvještavanja i evaluacije razvojnih politika.

Prije nego je Nacrt dostavljen Vladi FBiH, provedene su opsežne konsultacije koje su uključile općine i gradove (putem stručnih komisija i Predsjedništva SOGFBiH), kantone, federalna ministarstva i relevantne institucije na nivou BiH, te donatorske organizacije.

Ured za zakonodavstvo i Federalno ministarstvo finansija dali su pozitivna mišljenja, te je Vlada FBiH u julu 2015. godine usvojila Nacrt zakona i uputila ga u parlamentarnu proceduru. Nakon što ga je razmotrilo nekoliko parlamentarnih komisija, Nacrt zakona je krajem novembra 2015. godine usvojen od strane oba doma Parlamenta FBiH. Kako bi se još jednom omogućilo lokalnim vlastima, kantonima i ostalim relevantnim akterima da daju svoj doprinos i komentare na tekst Nacrta zakona, početkom 2016. godine provedene su javne rasprave te se upućivanje Prijedloga zakona u proceduru usvajanja očekuje u junu 2016. godine.

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpacbc.org
www.europa.ba
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.balkanfund.org

Prije nego je Nacrt dostavljen Vladi FBiH, provedene su opsežne konsultacije koje su uključile općine i gradove (putem stručnih komisija i Predsjedništva SOGFBiH), kantone, federalna ministarstva i relevantne institucije na nivou BiH, te donatorske organizacije.



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba ili adi@sogfbih.ba

Pratite nas na:

Gledajte Savez općina i gradova Federacije Bosne i Hercegovine na

YouTube

Pratite Savez općina i gradova FBiH na

g+

facebook
Savez općina i gradova Federacije Bosne i Hercegovine

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

USLUGE SAVEZA OPĆINA I GRADOVA FBiH U OBLASTIMA PLANIRANJA I UPRAVLJANJA



U okviru svojih redovnih aktivnosti, Savez općina i gradova FBiH (SOGFBiH) svojim članicama pruža usluge stručne korisničke podrške i informiranja u procesu kreiranja i realizacije njihovih razvojnih strategija, kao i informiranja o dostupnim javnim izvorima finansiranja namijenjenim za podršku inicijativama na lokalnom nivou u različitim razvojnim sektorima.

U sklopu ovih usluga, SOGFBiH sprovodi i drugi ciklus istraživanja o trenutnom statusu strateško-planske dokumentacije, uključujući informacije o stvarnom stanju u pogledu

realizacije strateških dokumenata u općinama i gradovima, kao i o postojanju odgovarajućih struktura zaduženih za koordinaciju razvojnih aktivnosti, a sve kako bi se identificirali zajednički izazovi i problemi vezani za strateško planiranje i upravljanje razvojem u FBiH. Na osnovu informacija dobijenih od članica, SOGFBiH će u narednom periodu intenzivirati aktivnosti na uspostavljanju mehanizama za ciljanu podršku viših nivoa vlasti i donatorskih organizacija u realizaciji razvojnih prioriteta prepoznatih u lokalnim strategijama.

Pored toga, SOGFBiH na godišnjem nivou vrši procjenu potreba općina i gradova za vanjskom finansijskom podrškom u realizaciji prioriteta razvojnih projekata, što bi trebalo doprinijeti da se potrebe lokalnih zajednica uklade sa sredstvima raspoloživim na višim nivoima vlasti. Rezultati procjene se postavljaju na web stranicu, kako bi se otvorila mogućnost za potencijalne finansijere i donatore da pruže podršku lokalnom razvoju.

Kompletiranje i objedinjavanje informacija vladinih institucija sa svih nivoa je od značajne pomoći općinama i gradovima za blagovremeno i realnije planiranje, te realizaciju prioriteta projekata identificiranih u okviru strategija razvoja.

Na kraju, SOGFBiH je uradio i redizajn svoje web stranice, kako bi ista njegovim članicama bila jednostavnija za korištenje, naročito kada je riječ o liniji podrške za strateško planiranje i upravljanje razvojem. Stranica sadrži relevantne informacije i novosti koje se odnose na lokalni razvoj, praktične alate, materijale za obuku, publikacije itd.

